



王浩信、陳豪和鄭丹瑞（旦哥）3位爸爸級藝人，日前接受《Tiger's Talk》的主持人伍詠薇和林盛斌（Bob）訪問，以宣傳將在myTV gold上架的劇集《非凡三俠》，王浩信和陳豪自爆在孩子口中有另一個稱呼，王浩信女兒會叫爸爸做Bro（兄弟），陳豪則搞笑指被子女叫錯做姐姐，可見他對小朋友是任勞任怨，是個24孝爹哋！

■王浩信自女兒細細個便開始跟她建立友誼。

王浩信被女兒視作兄弟

罕談家事的王浩信破例大談與8歲女兒的父女關係要好，他謂：「我哋個世界都仲係一齊，大家會傾心事，會一齊去做運動、睇書、打機，佢學識游水同踩單車都係我親自教佢，有時佢直情唔小心叫我做Bro（兄弟）。」同樣是爸爸的Bob羨慕不已，他笑指家中4個小朋友經常錯叫他做「媽咪」，難免醋意大發，陳豪仲搞笑：「你都好啦叫媽咪，我哋小朋友叫錯我做姐姐，佢哋有時口快快！哈哈」

陳豪負責教子女中文

陳豪的3個小朋友分別6歲、5歲和4歲，對於他三年抱三，連Bob都讚他厲害，陳豪即時面紅說：「唔係刻意，不過一行埋就有……」他認為談論子女間的溝通還早，因大仔才剛剛升上一年班，他說：「佢學緊游水，我哋先經歷到佢唔可以再入女廁等媽咪幫

忙，變相游完水要自己識得沖涼，慢慢去學，佢仲係好細個。游水就交畀教練教，讀書寫字，特別係中文字就我教，冇辦法，屋企得我一個識中文，起碼學識寫自己名字。」

至於旦哥的兩個女兒已經快滿30歲，他表示兩個女10歲左右，太太就慢慢教佢哋飲酒，並自言是開通爸爸，細女學鋼管舞都非常鼓勵，甚至一家三口去捧女兒場，「起初都有乜事，突然扯開衫褲着T-back加Bra Top，我同老婆嚇一跳……完騷就梗係照樣話跳得好好睇，Very Good，不過之後就唔會再去睇。」問到能否接受女兒帶男友回家的一刻？浩信唉聲嘆氣說：「我哋家就係想維持Bro（兄弟）關係，將來真係拍拖都唔好離我太遠，被人hurt完都返嚟話我知，等我開解佢，唔好自己匿埋。由細細個開始建立友誼，可能將來佢去蘭桂坊會帶埋我呢？」身旁的旦哥不禁冷笑潑冷水。



■王浩信、陳豪和鄭丹瑞接受伍詠薇和林盛斌訪問。

為尊重場合 Deep V 現身 何雁詩自稱婚後變賢淑

何雁詩、黃翊、葉振棠及麥長青（麥包）等人前晚出席《AEG音樂排行榜頒獎典禮》，新婚不久的何雁詩性感大解放，穿上一條Deep V的連身短裙亮相，她笑稱性感程度還可以，因為低胸尚未到肚臍位置，因為今年是首次參加頒獎禮，想穿得隆重一點尊重場合。

何雁詩日前親自下廚給奶奶享用，「奶奶好開心，但我不知好不好味，我沒有問她，怕尷尬，其實結婚之後自己都賢淑咗，會想煮飯、執屋和放狗。」笑問何時做「良母」？她打算3至5年後才造人，現在仍想在事業上搏殺。麥包日前宣布退股與友人合資的和牛店，他表示會拿回自己有份投資的金額，所以沒有蝕錢，只是近4個月當做義工，也開心能學到和牛行業的流程。至於退股是否因早前店舖被淋紅油？「不關我事的，他們都好大壓力，而且我之後的工作都未必兼顧到。」又稱退股一事沒有嚇怕他做生意，因可學習不同範疇的知識，又可以賺錢幫補一下。另早前與康子妮傳緋聞的黃翊，對於康子妮現與上司兼大學同學傳緋聞，問他有沒用難的感覺？「不關我事，我也不會理別人的事。」他稱不會因緋聞斷絕與女性朋友交往。



■Deep V 何雁詩令人眼前一亮。

■麥包退股和牛店並沒蝕錢。

《張敬軒 X 香港中樂團盛樂》一連8場紅館演唱會昨晚踏入尾場，同時亦傳來喜訊宣布加場！在疫情確診數字爆新高下，專家已經說過可能要利停演唱會，難道軒仔無懼疫情搵命博？原來這次是加開網上場，並非加開紅館場，這令身在海外未能回港，或者因為疫情關係不敢進場的歌迷大感開心。

至於加開網上一場，時間是12月6日（星期日）晚上的「70分鐘網上精華版」，屆時可以全面照顧世界各地「軒迷」，無論你身在何方均可以安坐家中欣賞軒仔的精彩演出。而網上票價分為\$38、\$68及\$238三種，各有不同着數，今日黃昏將於KK-Box網站開售。



■軒仔全面照顧世界各地「軒迷」。

張敬軒演唱會加開網上場

謝嘉怡獲媽咪越洋送毛毛被

應屆港姐冠軍謝嘉怡（Lisa）留港發展，近日天氣轉冷，她收到媽咪由蘇格蘭寄來的一張毛毛被，被面除印有兩母女的合照，還有Lisa的童年照。驚喜萬分的Lisa邊拆禮物邊忍不住呼叫，並即時在床上蓋上這張被，又披上身，顯得愛不釋手，輕摸着時不停說好鍾意，多謝媽咪，活像一個小孩子。

黎諾懿下廚割傷手

黎諾懿早前拍飲食節目曾試過發生搶火，以致燒燬了自己的眼睫毛和頭髮，近日他與陳敏之合作主持飲食節目《今晚請客》時又發生意外，他不慎割傷手，幸並沒大礙，他說：「竟然唔係切嘢時整親，係擺把刀時整親，把刀跌落地時想接唔接之間整親，不過煮嘢食少不免都會整到。」

礙，他說：「竟然唔係切嘢時整親，係擺把刀時整親，把刀跌落地時想接唔接之間整親，不過煮嘢食少不免都會整到。」

